

Jān Būreejtōn Thomas S. Monson



“Katak kōn Iō”

Kabuñ eo an Jisōs Kraist im Armej ro Rekwojarjar ilo Raan-ko Āliktata, kōj aolep rej rūkaki ro im kōj aolep rej rūkatak ro. Nān aolep Irooj ej karuwaine-neik aolep: “Katak ippa . . . im kom̄ naaj lo ami kakkije.”¹

Ij karuwaineneik aolep Armej ro Rekwojarjar ilo Raan-Ko Alikata nān lukkuun lōmṇake kijejeto ko aer nān katakin im nān reilōk nān Rilōmṇōr āinwōt juon ad Ritōl ilo ad kōmṇan āindein. Jej jeļā bwe “juon rūkaki eo Anij eaar jilkintok”² eaar juon rūkaki eo eļapļok an tiljek. Eo me eaar katakin kōj bwe jen iakwe Irooj ad Anij kōn aolepān buruwōd, im aolepān ad, im aolepān ad kajoor, im aolepān ad lōmṇak, im bwe jen iakwe riturur āinwōt ad iakwe kōj make, ej juon Maajta in Rūkaki im juon Waanjoñak ak kōn mour wānōk.

E eo eaar kwaļok: “Itok, ļoor Eō.”³ “Ikar lewaj juon joñak nān kom̄.”⁴

Ijjeļokin Nē Kom̄ Naaj Oktak

Jisōs eaar kwaļok kōn mool eo etinwadik im kajoor āinwōt an rekoot ilo bok in Matu. Alkin E im Rikaļoor ro an kar walaltak jān Toļ Transfiguration, raar bōjrak ilo Galilee innām etal nān Capernaum. Ke rej pād ijene raar kajitikin Jisōs, im ba:

“Wōn eo eļaptata ilo aelōñ in lañ?

“Im Jisōs ej kūrtook juon ajri e dik nān Ippān, im kajutak e eoļōpeir,

“Im ba, Emool Ij ba nān kom̄, *Eļaññe kom̄ jab oktak*, im erom āinwōt ajri re dik, kom̄ jāmin deļoñ ilo aelōñ in lañ.”⁵

Ilo Kabuñ in, kōttōpar eo ej nān katakin gospel eo, ejjab nān leļok meļeļe ko nān lōmṇak ko an ajri ro nejin Anij, meñe ilo mṇweo, ilo ruum̄ in katak ko, ak ilo ijo jej mije-nede ie. Ejjab nān kwaļok ewi joñan an jinen im jemān, rūkaki, ak mijenede ro jeļā. Ak ej nān kōļapļok jeļāļokjen kōn Rilōmṇōr eo im Kabuñ in An.

Kōttōpar eo ilo katakin ej nān jipañ maan im kōrā ro nejin Jemedwōj Ilañ jepļaakļok nān imaan Mejān im mōṇōṇō ilo mour indeeo Ippān. Nān kōmṇane menin, katakin gospel eo ej aikuj rojañ er ilo iaļ in an rikaļoor iien otemjej im bujen ko rekwojarjar. Kōttōpar eo ej nān imṇwe kajjojo nān lōmṇak kake, eñjake, innām kōmṇani men ko nān mour kōn pedped ko ilo gospel eo. Jibadbad eo ej nān ejaake tōmak ilo Irooj Jisōs Kraist im erom *oktak* nān gospel eo An.

Katakin ej kōjeraamṇan im ukōt im lōmṇōr ej katakin eo ej make wōt waanjoñak eo an Rilōmṇōr eo. Rūkaki ro rej katakin jān waanjoñak eo an Rilōmṇōr eo ilo iakwe im jermal ippān ro rej katakin. Rej imṇwe ro rej roñjake kōn katak ko ejeļok jemļokier remool im ekwojarjar. Rej mour kōn waanjoñak.

Iakwe im Jermal

Aolepān iien kwaļok eo an Rilōmṇōr eo ekar kwaļok iakwe nān ro riturin. Ijoke, An iakwe im jipañ rekar ekkā waļok jān katak ko An. Ilo wāween mour in, rūkaki ro imaroñ keememej er rej rūkaki ro rekar jeļā, iakwe, im kar kea kōn rijikuuļ ro aer. Emōj aer loe jiip eo ejoḃwābwe.

Raar katakin katak ko an mour ko inaa j aolep iien keememeji.

Juon rükaki äinwöt Lucy Gertsh. Ekar jeļā kajjeen rijikuļ ro an. Ej jab meļokļok in kūr ro rej jako ilo juon Jabōt ak ro rejjab kobatok. Kōm jeļā bwe ekar kea kōn kōm. Ejjeļok juon iaam ekar meļokļok e ak katak ko ekar katakin kōm kaki.

Elōn iio tokālik, iien eo ekar epaak an Lucy mej, ikar loļok e. Kōm kar antooneļok raan ko remman iṃaan ṃoktaļok ke ekar juon am rükaki. Kōm kar kōnono ippān doon ilo kūlaaj eo am kōn ta ko kajjojo rej kōmmani. An iakwe im kea ekar juon iien eaitok ilo mour eo an.

Emman ippa kallimur kein an Irooj loi ilo Katak im Bujen ko.

“Ij lewōj nān kom juon kien bwe komin katakin doon pedped in katak ko an aelōn in kiin eo.

“Komn niknik katakin im Aō jouj enaa j pād ippemi.”⁶

Lucy Gertsch eaar tiljek ilo katakin kōnke ej iakwe.

Leļok Kōjatdikdik im Mool

Rijilōk Piter ekar kapilōk “Komwin pojak iien otemej bwe komwin uwaak nān jabdewōt armej ej kajjitōk ippemi kōn unin kōjatdikdik eo ej ilowami.”⁷

Bōlen kōjatdikdik eo eļaptata juon rükaki emaroñ leļok ej kōjatdikdik eo loe ilo ṃool ko an gospel eo an Jisōs Kraist.

“Im ta eo kom naaj kōjatdikdik kake?” Mormon ekar kajjitōk. “Lo ij ba nān kom bwe kom naaj kōjatdikdik kōn pinmuur eo an Kraist im kajoor in An jerkakpeje, nān naaj jerkak nān mour indeeo, im men in kōnke ami tōmak ilo E.”⁸

Rükaki ro, kotak ainikiemi im kaṃool nān laļ in kōn Douluļ in Anij. Kwaļok ami kaṃool kōn Bok in Mormon eo. Leļok ṃool ko railboojom im erre eo ilo karōk in loṃṃoor eo. Kōjerbal kein katak ko emōj kōmālimi, eļaptata jeje ko rekwojarjar nān kwaļok ṃool ko an gospel eo emōj an jeļlaaktok an Jisōs Kraist ilo erre im meļeļe. Keememej kallimur eo an Rilṃṃoor eo: “Komij pukot ilo Jeje ko, bwe ilo er komij loṃṃak ami mour indeeo; im kein rej kōnnaan kōn Eō.”⁹

Jipañ ajri ro nejin Anij meļeļe ta meļeļein men eo emool im aorōk ilo mour in. Jipañ er ejaake kajoor nān kālet iaļ ko me renaaj kōjparok er nān mour indeeo.

Katakin ṃool eo, im Jetōb Kwojarjar enaa j iṃwe kijejeto ko am.

“Katak kōn Iō”

Kōnke Jisōs Kraist ekar pokake im leļok An nān Jemān, E “ļapļok ilo An mālōtlōt im rūtto, im ilo jouj ippān armej im Anij.”¹⁰ Jej aikuj ke bwe jej kōmman einwot in? Äinwōt Jisōs “Eaar bōk jouj kōn jouj¹¹ jej iakuj kijenmej im pukōt meram im jeļāļokjeñ jān Anij ilo kijejeto ko ad nān katak gospel eo.

Roñjake ej juon iaan ekkatak ko raorōk. Ñe jej ṃaanjab-popo nān ekkatak, jej jar im pukōt iṃwe im kapen eo jān Jetōb Kwojarjar eo. Kōmij loṃṃak, kōmij jar, kōmij mour kōn katak ko an gospel, im kōmij pukōt ankilaan Jemād nān kōj.¹²

Jisōs ekar “katakin . . . men ko relōn ilo būrabōļ ko,”¹³ ko raikuj bwe lojilnii en roñ, mej en lo, im bōro ko ren meļeļe. Ilo ad mour jṃwe, jemaroñ in roñ unoojdikdik ko jān Jetōb Kwojarjar, eo emaroñ in “katakin [kōj] men otemej, im kakememej men otemej nān kom.”¹⁴

Ñe jej uwaake kajjitōk in an Irooj, “Katak kōn Iō,” jej erom ro rej bōk ṃōttan kajoor eo An ekwojarjar. Jen wōn-ṃaanļok, etal wōt ilo jetōb in pokake, loor ad Riwaanjo-ñak jān katakin äinwōt Enaa j kar katakin kōj im ekkatak äinwōt Enaa j kar kōṃaan bwe jen ekkatak.

KAKEEMEMEJ KO

1. Matu 11:29.
2. Jon 3:2.
3. Luk 18:22.
4. 3 Nipai 18:15.
5. Matu 18:1-3; eon eo eaorōk kar kobaiktok.
6. Katak im Bujen ko 88:77-78.
7. 1 Piter 3:15.
8. Moronai 7:41.
9. Jon 5:39.
10. Luk 2:52.
11. Katak im Bujen ko 93:12.
12. Lale Jon 5:30.
13. Mark 4:2.
14. Jon 14:26.

KATAKIN JĀN ENNAAN IN

Būreejtōn Monson ej kajjitōk ippād ñan “kejōk|ōk-jeŋ kōn kijejeto ko [ad] ñan katakin im ñan ekkatak im ñan reilōk ñan Rilōmōōr eo āinwōt juon Unin Tōl ilo kōmōmane menin.” Komaroñ |ōmōak im pukōt eoon ko ippān ro kwoj lo|ōk ñan pukōt mōwila| in wāween ko me Jisōs Kraist ekar katakin im ekkatak. Komaroñ jino kōn jet eoon ko Būreejtōn Monson ekar litok, āinwōt Matu 11:29, Jon 5:30, im Mark 4:2. Komaroñ ekōnono kōn wāween am̄ kar ekkatak kōn Kraist an kar jipañ eok “erom ro rej bōk mōttan kajoor eo An ekwojarjar.”

AJRI RO

Ekkatak kōn Jisōs

Jetōb Kwojarjar eo ej letok aenōmōman ñan jipañ kōj je|ā bwe Jisōs ej mōol im iakwe kōj. Je ak pijaik juon men eo kwaar katakin kōn Jisōs.



Tōmak, Baam̄le, Deeor

Kar kōmanman ilo Nememein wōt Anij

Kanooj jar ilo am̄ ekkatak kōn katak in im pukōt n̄an jeļā ta eo kwonaaj kwaļok. Ekōjkan am̄ meļeļe “Baam̄le Eo: Juon Naan in Kean̄ n̄an Laļ in” kōļapļok tōmak ilo Anij im kōjeraam̄man ro kwoj mije j̄an jermal in loļok an kōrā ro? N̄an meļeļe ko reļlapļok, etal n̄an relief society.lds.org.

Im Anij ear ba, Jen kōmanman armej ilo wāweed im āinwōt kōj. . . .

“Im Anij ear kōmanman armej ilo wāween wōt E; maan im kōrā Ear kōmanman” (Jenesis 1:26–27).

Anij ej Jemedwōj Ilañ, im E eaar kōmanman kōj ilo nememein wōt E. J̄an mool in, Būreejtōn Thomas S. Monson ekar ba: “Anij ej Jemād ewōr lojilñin eo ej roñjake jar ko ad. Ewōr mejān eo ej loe jermal ko ad. E ewōr loñiin eo ej kōnono n̄an kōj. E ewōr būruwōn eo ej eñjake tūriam̄ko im iakwe. E em̄ool. E ej mour. Kōj jej ajri ro nejin Ekar kōmanmani. Jej āinwōt E im E ej āinwōt kōj.”¹

“Armej ro Rekwojarjar ilo Raan-ko Āliktata rej kalimjek aolep armej āinwōt ajri ro nejin Anij ilo likio; rej kile aolep armej ro rej jebar jene, piktokin, im ewōr jibadbad ippāer.”² kajjojo ej “juon ļaddik im leddik in jetōb ro nejin jemedwōj ilañ im jinedwōj ilañ.”³

“[Rikanaan Eo] Josep Smith ekar barāinwōt katak bwe Anij ekōņaan

bwe ajri ro Nejin ren bok ejja kain waween in Ej bōke.”⁴ Āinwōt an Anij ba, “Bwe lo, eñin ej jermal eo Aō im aibojoj eo Aō—n̄an ka-kūrmoool jab wabanban im mour indeeo an armej” (Moses 1:39).

Bar Jet Eoon Ko

Jenesis 1:26–27; 1 Korint 3:17; Katak im Bujen ko 130:1

J̄an Jeje ko Rekwojarjar

Ļeo jein Jared ilo bok in Momon ekar pukōt wāween an kōmeram baaj ko ralitōk ko kar kōmanmani n̄an bōkļok Rijared ro kijoone ioon dān n̄an ānen kallimur eo. E “eaar kaunļok j̄an juon ejmaan joñoul-jiljino dekā” im jar bwe Anij enaaj “unūr dekā kein” kōn j̄anit in Pein “bwe ren maroñ romakļok ilo maroklep.” Im Anij “eaar erļoke pein im uñir dekā ko juon ilok juon.” Im rōñol nuknuk eo kar bōkļok j̄an mejān Ļeo jein Jared, im “eaar lo akkin pein Irooj; im ekar āinwōt akkin pein juon armej. . . .

“Im Irooj eaar ba n̄an e: Kwoj tōmak ke naan ko Inaaj kōnono?

“Im eaar uwaak: Aaet, Irooj.”

Im “Irooj ekar kwaļok e make n̄an [Ļeo jein Jared] im ba, “kwōj lo ke bwe kwe kar kōmanman eok ilokan nememeō? Aaet, emool aolep armej kar kōmanman ilo jinoin ilokan nemāmeō make.” Lale Ether 3:1–17

KAKEEMEMEJ KO

1. Thomas S. Monson, “I Know That My Redeemer Lives,” in Conference Report, Apr. 1966, 63.
2. Gospel Topics, “Becoming Like God,” topics.lds.org; barāinwōt lale Moses 7:31–37
3. “Baam̄le Eo: Juon Naan in Kean̄ n̄an Laļ in,” *Liaona*, Nov. 2010, 129.
4. Gospel Topics, “Becoming Like God,” topics.lds.org; barāinwōt lale *Teachings of Presidents of the Church: Josep Smith* (2007), 221.

Ļōmņak kōn Menin

Ewi waween ad jeļā ke aolep armej rej āinwōt nememein Anij im ej jipañ kōj ilo ad iaio ippān doon?